

BERITA HARIAN

DATE: 15 / 08 / 2007

Malaysia, Brunei perbaharui ikrar

BH - 15/8/2007

Kerjasama erat hubungan dua hala dipertingkatkan, terokai industri makanan halal

Veena Rusli

di Bandar
Seri Begawan, Brunei



KENYATAAN bersama Rundingan Tahunan Malaysia-Brunei ke-11 yang berakhir di sini semalam, menyatakan komitmen bersama untuk meneruskan kerjasama erat dalam perdagangan, pelaburan, kewangan, pengangkutan serta teknologi maklumat dan komunikasi (ICT).

Selain itu, pemimpin kedua-dua

negara memperbaharui ikrar meningkatkan lagi hubungan dua hala, terutama dalam sektor pertahanan, kesihatan, pendidikan serta pelancongan untuk manfaat bersama.

Dalam usaha memperluaskan kerjasama ekonomi, terutama perdagangan dan pelaburan, pegawai kedua-dua negara diarah meneroka peluang dalam industri makanan halal, perbankan Islam serta pelancongan.

Sultan Brunei, Sultan Hassanal Bolkiah turut menyampaikan ucapan tahniah secara peribadi dan bagi pihak rakyat Brunei kepada Perdana Menteri, Datuk Seri Abdullah Ahmad Badawi atas ulang tahun ke-50

kemerdekaan negara.

Turut digariskan dalam kenyataan bersama itu ialah:

- Keperluan membentuk persekitaran perniagaan lebih memberangsangkan terutama bagi Brunei, Sabah dan Sarawak

- Meneruskan kerjasama dalam sektor pengangkutan udara dan bersejua menambah kekerapan operasi penerbangan

- Meneruskan komitmen Deklarasi Jantung Borneo yang ditandatangani di Cebu, Filipina pada 12 Januari lalu ke arah pengurusan hutan merentasi sempadan dan pemuliharaan rangkaian kawasan dilin-

“Pencapaian Malaysia bukan sekadar membawa kemakmuran ekonomi dan sosial tetapi membolehkannya menjadi pemimpin negara membangun”

Sultan Hassanal Bolkiah
Sultan Brunei

dungi serta hutan simpan

- Menerima draf akhir Piagam Asean dan pengesahannya oleh ketua negara Asean, selain mengakui kepentingannya dalam menjadikan Asean gagasan lebih berkesan

- Menyambut baik usaha masyarakat termasuk Pertubuhan Bangsa-Bangsa Bersatu (PBB) membantu menyelesaikan konflik di Darfur, Sudan

- Menyokong segala usaha membawa keamanan dan kestabilan di Asia Barat, terutama Palestin

- Menyokong kajian semula terhadap Piagam Pertubuhan Persidangan Islam (OIC) bagi menjadikannya lebih relevan terhadap cabaran semasa